

# INUIT ATAQATIGIIT

## INATSISARTUNI



Ittoqqortoormiit, 25.11. 2011

Inatsisartut Suleriaasianni § 37 naapertorlugu Naalackersuisunut apeqqutit imaatut matumuuna saqqummiuppakka:  
(Inatsisartuni ilaasortaq Juliane Henningsen, Inuit Ataqtigiit)

### Apeqqutit:

1. Naalackersuisut angerlarsimaffeqanngitsunut kommunit suleqatigalugit aaqqiissutissanik ataavartunik nassaarniarnissamut pilersaaruteqarpat?
2. Naalackersuisut isumaat malillugu siunissami najugaqartut anisitaasimasut inissaqartinneqartarnissaat INI A/S-imut aammalu pisortat inissianik ingerlatseqatigiiffiutigisaannut allanut pisussaaffiulissannginnersoq ilanngullugu paa-serusuppara?

### Tunngavilersuut:

Sapaatip akunnera 45-mi 9. november 2011 AG saqqummermat allaaserineqarpoq qaammat naappat meeqqat inersimasullu 30-it Nuummi blok P-mi utaqqiisaasumik inissiisarfiit kingulliit matuneqarpata angerlarsimaffissaarutitaassasut. Atuarneqarsinnaavortaaq meeqqat eqqarsaatigalugit iliuuseqartoqassasoq, inersimasortaalli angerlarsimaffeqanngitsunut unnuaanerani isersimaartarfiusoq aammalu unnuiffigineqarsinnaasoq taamaallaat innersuussutigineqarsinnaasoq.

Kisiannili Nuummi angerlarsimaffeqanngitsunut unnuaanerani unnuiffigineqarluni isersimaartarfiusoq angerlarsimaffeqanngitsunit allanit ornigarneqarluni ulikkaaq-qasarpoq, taamaattumillu unnuakkut siniffissaqarusukkaanni siulliuniuttariaqarluni. Inissianit anisitsisarneq inisimasitsisarnerillu eqqarsaatigalugit A/S INI-p qara-saasiakkut nittartagaani [www.ini.gl-imi](http://www.ini.gl-imi) aamma atuarneqarsinnaavoq manna:

#### **"Inisimasitsineq**

*Najugaqartut anisitaasut inissaqartinneqartarnissaat politiit piumasaraat taamaattumillu INI-p inisimaffissat piareersimatippai, tassaasut minnerpaamik ilaqtariinnut ineeqqat imermik pissarsiffiunissaminnut periarfissaqartut. Inisimasarfiit tasaanerusarput inissiat pitsaassusii ajornerusut, ilaallu ima aamma ajortigisinnaasarlutik, attartortinneqarsinnaanatik. Kisianni erseqqissaatigineqassaaq, inatsisit peqqussutillu malillugit INI ataatsimilluunniit pisussaaffeqanngilaq anisitaasut inisimaffissaannik neqeroorfigissallugit."*